

古尊宿語錄卷第十三 勿一

馬祖大寂禪師法嗣

南泉禪師諱普願鄭州王氏子也示衆云王老
師賣身去也還有人買麼時有僧出衆云某
甲買師云不作貴不作賤你作麼生買僧

無對 師同魯祖埽宗杉山喫茶次祖提起

益子云世界未成時便有這箇師云今時只
識這箇且不識世界宗云是師云師兄莫同
此見廢宗提起益子云向世界未成時道得
麼師作掌勢宗以面作受掌勢 師與魯祖
杉山歸宗辭焉祖各謀住庵中路分袂次師

插下拄杖云道得也被這箇礙道不得也被
這箇礙宗找拄杖便打云也只是這箇王老
師說甚麼礙不礙魯祖云只此一句大擣天
下宗云還有不擣底麼祖云有宗云作麼生
是不擣底祖作掌勢 師寄書與菜莖云理
隨事變寬廓非外事得理融寐寥非內僧問
茱萸如何是寬廓非外茱萸云問一答百也
無妨云如何是寐寥非內萸云覩對聲色不
是好手又問趙州作喫飯勢僧進後語州
作拭口勢又問長沙岑岑瞪目視之僧進後
語岑閉目示之僧舉似師師云此三人不謬
爲吾弟子 趙州問和尚百年後向甚麼處

去師云山下作一頭水牯牛去州云謝師指示師云昨夜三更月到窓 師刈茆次有僧問南泉路向甚麼處去師堅起鎌云我這鎌子是三十文買僧云我不問這箇南泉路向甚麼處去師云我用得最快 師住庵時有一僧來師云某甲上山作務齋時上座做飯喫了却送一分米某僧齋時做飯喫了將家具一時打破就床而卧師伺不來遂歸見僧偃卧師亦去身邊卧僧便起去師云得恁麼靈利師住後云我徃前住庵時有箇靈利道者直至如今不見 師問僧夜來好風云夜來好風師云吹折門前一株松僧云吹折門

前一株松又問一僧云夜來好風云是甚麼風 師云吹折門前一株松云是甚麼松 師云一得一失有一庵主人謂之曰南泉近日出世何不去禮拜主云非但南泉直饒千佛出興亦不去師聞令趙州徃勘之州纔見庵主便作禮主知二不顧州從西過東從東過西而立主亦不顧州云草賊大敗摶下簾子便行舉似師師云我從來疑着這漢僧問牛頭未見四祖時爲甚麼百鳥銜花獻師云爲渠步卒踏佛階梯云見後爲甚麼不銜花獻師云直競不來猶較王老師一緣道二 師問座主誰甚麼經云彌勒下生經師云彌勒發時下生

云現在天宮未來師云天上無彌勒地無彌勒上堂云諸子老僧十八上解作活計有解作活計者出來共你商量是住山人始得良久顧視大眾合掌曰珍重無事各自修行大眾不去師曰如聖果大可畏勿量大士尚不柰何我且不是渠渠且不是我渠爭柰我何他經論家說法身爲極則喚作理盡三昧義盡三昧似老僧向前被人教逐本還源去幾恁麼會禍事兄弟近日禪師太多箇箇疑詛人不可得不道全無於中還少若有出來共你商量如空劫時有修行人否有無作麼不道阿你尋常巧脣薄舌及早問著認

皆不道何不出來莫論佛出世兩事兄弟今時人擔佛著肩上行聞老僧言心不是佛智不是道便聚頭擬推老僧無你推處你若束得虛空作棒打得老僧著一任推時有僧問從上祖師至江西大師皆云即心是佛平常心是道今和尚云心不是佛智不是道學人悉生疑惑初請和尚慈悲指示師乃抗聲答曰三你若是佛休更涉疑却問老僧何處有恁麼傍家疑佛來老僧且不是佛亦不曾見祖師你恁麼道自覓祖師去日和尚恁麼道教學人如何扶持得師曰你急手托虛空著曰虛空無動相云何托師曰你言無動相早是勘

也虛空何解道我無動相此皆是你情見曰
虛空無動相尚是情見前造某甲托何物師
曰你既知不應言托擬何處扶持他曰即心
是佛既不得是心作佛否師曰是心是佛是
心作佛情計所有斯皆想成佛是智人心是
來集主皆對物時他便妙用大德莫認心認
佛設認得是境被他喚作所知愚故江西大
師云不是心不是佛不是物且教你後人恁
麼行履今時學人披箇衣服傍家疑懶閑
事還得否曰既不是心不是佛不是物和尚
今却云心不是佛智不是道未審如何師曰
你不認心是佛智不是道老僧勿得心來復

甲不知師曰不知却好若取老僧語喚作依
通人設見彌勒出世還被他擣却頭毛曰使
後人如何師曰你且自看莫愛他後人曰前
不許某甲會道今慢令某甲自看未審如何
師曰冥會妙會許你作麼生會曰如何是妙
會師曰還欲學老僧語縱說是老僧說大德

如口何曰某甲若自會即不煩和尚乞慈悲指示師曰不可指東指西賺人你當喎喎和和時作麼不來問老僧今時巧黠始道我不會圖什麼你若此生出頭來道我出家作禪師如未出家時曾作什麼來且說看共你商量曰恁麼時某甲不知加四師曰既不知即今認得可可是邪曰認得既不是不認是否師曰認不認是什麼語話曰到遮裏某甲轉不會也師曰你若不會我更不會曰某甲是學人即不會和尚是善知識合會師曰遮漢向你道不會誰論善知識莫巧黠看他江西老宿在日有一學士問如水無筋骨能勝萬斛舟此

骨他學士便休去可不省力所以數數向道佛不會道我自修行用知作麼曰如何修行師曰不可思量得向人道恁麼修恁麼行大難曰還許學人修行否師曰老僧不可障得你曰某甲如何修行師曰要行即行不可專尋他輩曰若不因善知識指示無以得會和尚每言脩行湏解始得若不解即落他因果無自由分未審如何修行即免落他因果師曰更不要商量若論修行何處不去得曰如何去得師曰你不可逐旨尋得曰和尚未說教某甲作麼生尋師曰縱說何處覓去且

如你從旦至夜忽東行西行你尚不商量道
去得不得別人不可知得你曰當東行西行
總不思量是否師曰恁麼時誰道是不是曰
和尚每言我於一切處而無所行他拘我不得
得喚作徧行三昧普現色身莫是此理否師
曰若論修行何處不去不說拘與不拘亦不

說三昧五曰何異有法得菩提道師曰不論異
不異曰和尚所說脩行迢然與大乘別未審
如何師曰不管他別不別我不曾學來若論
看教自有經論座主他教家實大可畏你且
不如聽法好曰究竟令學人作麼生會師曰
如汝所問元只在因緣邊看且不柰何緣

是認得六門頭事你但會佛那邊却來我與
你商量兄弟莫恁麼尋逐不住恁麼不取古
人語行菩薩行唯一人行天魔波旬領諸眷
屬常隨菩薩後覓心行起處便擬摸倒如是
經無量劫覓一念異處不得方與眷屬礼辭
讚歎供養猶是進脩位中下之人漫不柰何
況絕功用處如文殊普賢更不話他兄弟作
麼生道行是無覓一日行底人不可得今時
傍家從年至歲只是覓究竟作麼生空弄唇
舌生解曰當恁麼時無佛名無衆生名使某
甲作麼圖度師曰你言無佛名無衆生名早
是圖度了也亦是記他言語曰若如是悉屬

佛出世時事了不可不言師曰你作麼生言
曰設使言言亦不及師曰若道言不及是及
語你虛恁麼尋逐誰與你爲境曰既無爲境
者誰是那邊人師曰你若不引教來即何處
論佛既不論佛老僧與誰論遮邊那邊曰果
難不住道而道能爲因如何師曰是他古人
如今不可不奉戒我不是渠渠不是我作得
伊如狸奴白牯行履却快活你若一念異即
難爲修行曰云何一念異難爲脩行師曰才
一念異便有勝劣二根不是情見隨他因果
更有什麼自由分曰每聞和尚說報化非真
佛亦非說法者未審如何師曰緣生故非曰

報化旣非真佛法身是真佛否師曰早是應
身也曰若恁麼即法身亦非真佛師曰法身
是真非真老僧無舌不鮮道你教我道即得
曰離三身外何法是真佛師曰遮漢共八九
十老人相罵向你道了也更問什麼離不離
擬把楔釘他虛空曰伏承華嚴經是法身佛
說如何力一師曰你適來道什麼語其僧重問師
顧視歎曰若是法身說你向什麼處聽曰某
大甲不會師曰大難大難汝看亮座主是蜀中
人鮮講三十二本經論於江西講次來見開
元寺老宿宿問見說座主鮮講經是否主云
不敢宿云將什麼講主云將心講宿云心如

工伎兒意如和伎者爭辭講得主云莫是虛空講得宿云却是虛空講得主拂袖便行宿召座主主四首宿云是什麼主便開悟兄弟看他快利麼僧云據和尚說即法身說法師云若如是會早應身了也僧云既是應身豈無說法者師云我不知僧云某不會師云不

麼處尋他光徧與不徧學人礼拜和尚笑云大難大難古人罵你喚作田獵漁捕喚作搬糞人好去珍重勿一師示衆云真理一如潛行密用無人覺知呼爲滲智亦云無滲不可思議等空不動性非生死流道是大道無碍涅槃妙用自足始與一切行處而得自在故云於諸行處無所而行亦云遍行三昧普現色身只爲無人知他用處無蹤跡不屬見聞舉唯見化身佛莫是此理否師云我眼不曾看教慕無耳孔不曾聽你自看取若如是憶持七即已後始不柰何如似弄珠說珠光徧有金盤在即得忽被拈却金盤去何處弄珠向什

冥契自通亦云了因非從見聞覺知有見知屬緣對物始有者箇靈妙不可思議不是有對故云妙用自通不依傍物所以道通不是依通事湏假物方始得見所以道非明暗法離有離無潛理幽通無人覺知亦云冥會真理非見聞覺知故云息心達本源故号如如佛必竟無依自在人亦云本果不從生因之所生文殊云惟從了因之所了不從生因之所生從上已來只教人會道更不別求若思量作得道理盡屬句義三乘五性義理無不喚作行履處處受用具足即得若論道即不是一向耽著被他識拘亦云世間智教云一

向耽著三藏學者爲田獵漁捕爲利養故然害大乘亦云貪欲成性所以云佛不會道我自脩行我自有妙用亦云正因了六波羅密空即物拘我不得所以祖師西來恐你諸人迷著因果地位故來傳法救迷情頓悟花情已性是花種性亦云菩提花故江西老宿云不是心不是佛不是物先祖雖說即心即佛是一時間語空拳黃葉止啼之說如今多有人喚心作佛喚智爲道見聞覺知皆是道若是會者何如演若達多迷頭認影設使認得亦不是汝本來頭故大士呵迦旃延以生滅心說實相法皆是情見若言即心即佛者

如兔馬有角非心非佛牛羊無角汝心若是
佛亦何用非他有無形相以何是道所以教
中不許寧作心師不師於心心如工伎兒意
如和伎者故云佛有道心不離見聞覺知皆
屬因緣而有皆是炤物而有不可常炤所以
心智俱不是道且大道非明暗法雖有無數
力一數不能及如空劫時無佛名無衆生名與麼
時正是道只是無人覺知見他數不及他換
作無名大道早屬名句了也所以真理一如
更無思想才有思想即被陰拘便有衆生名
有佛名佛出世來喚作三界智人只如未出
世時喚作什麼如云不得而得有無而與大

慈佛出世只令人會道躰非九聖喚作還源
歸本躰辦大道今日既如是會道即無量劫
來六道四生皆有夫來是暫時行緩處先聖
本行集云我無所不行一切衆生雖在如是
行處爲無了因故生貪欲名爲在纏不得自
在暫時歧路雲駛月遲舟行岸移衆生妄想
物無不住豈況理能遷變今既如是會却向
裏許行履不同前時爲了因會本果故了陰
界空六波羅密空所以得其自在若不向裏
許行履如何摧剗得五種貪二種欲不守住
聲聞隨於劫數所以諸佛菩薩具福智二嚴
爲了因了六波羅密空體者箇受用所以不

存知見始得自在若有知見即屬地位便有分割心量被因果隔喚作酬因答果佛不得自在所以大聖訶他內見外見情量不盡二障二愚所以見河能漂香象真理無形如何知見大道無形理絕思量今日行六波羅密先用了因會本果故了此物是方便受用始得自由去住自在無障礙亦云方便懶莊嚴亦云微妙淨法身具相三十二只是不許分割心量若無如是心一切行處乃至彈指合掌皆是正因萬善皆同無終始得自在所以天魔外道求我不得喚作無住心亦云無滲智智不可思議妙用自在菩提涅槃皆是脩行人

九

境界皆屬明句若會本來非凡物即水不能洗水何以故本來無物故經云我王庫中寶無如是乃又大功德天黑暗女有智主人二俱不受所以道非明暗故云性海不是覺海覺海涉緣即湏對物他便妙用無人覺知喚作極微細透金水色塵菩薩所因喚作受用具若水不洗水即躰不是明暗亦云無滲智又云無碍智若如是即一切處拘我不得如今更別求建立義句覓勝負知解語言言衆生劣有佛聖教衆生求佛菩提皆屬貪欲亦云破戒比丘與道懸隔大道無明未曾有暗非三界攝非去來今如來藏寶不覆藏師子

何曾在窟五陰本空何曾有處所且法身舞
爲不隨諸數法無動搖不依六塵故經云佛
性是常心是無常所以智不是道心不是佛
今且莫喚心作佛莫作見聞覺知會者箇
物且本來無許多名字妙用自通數量管他
不得是大解脱所以道人心無住處蹤跡不
可尋故云無滲智不思議智看池州崔使
君問五祖大師云徒衆五百何以能大師獨
受衣傳信餘人爲什麼不得五祖云四百九
十九人盡會佛法唯有能大師是過量人所
以傳衣信崔云故知道非愚智便告大衆惣
湏記取師云記得屬第六識不堪無事珍重

示衆云空劫之時無一切名字佛才出世
來便有名字所以取相師云只爲此時執著
文字限量不等大道一切實無凡聖若有名
字皆屬限量所以江西老宿云不是心不是
佛不是物且教後人與麼行履今時盡擬將
心躰會大道道若與麼學直至彌勒佛出世
還須發心始得有什麼自由分勿一只如五祖會
下四百九十九人盡會佛法惟有盧行者一
人不會佛法只會道不會別事若認心是佛
心是三界來受主若認智是道智是多矯詐
若論佛出世時喚作三界智人說一切教義
句理喚作暫時受用具若喚心是佛認智是

道皆是廸之所以道無心意而受行暫時披垢膩之衣來爲人說破不是九聖物他家早晚與人爲因亦不曾與人爲果若與人爲因即不自在被因果所拘不得自由佛未出世時無人會得若出世邊論還許少分會但以冥理自通無師自爾本自無物由是見聞覺知即是報化所以三十二相異狀故若離彼即同如來報化佛總打却何處存立不是不許只如彌勒又作凡夫他熾然行六波羅密他家觸處去得因什麼便不許他他不曾滯著九聖所以那邊會了却來者邊行發始得自由分今持學人多分出家不肯入家好廸

即認惡廸即不認爭得所以菩薩行於非道是爲通達佛道他家去住得自由且如何若知即被知廸所拘若不恁麼爭得不許他他箇定不曾變異若不定即屬造化也他那箇早晚曾變動所以十二分教決定不是我即向十二分教中行履得若十二分教是我即受變也若論有滲果是二乘位若論無滲是大乘名所以得名爲大乘若是者箇不是拘繫底物所以普通密理無人覺知是見聞覺知勿問以意會得否士師云若以意會即思量得也他教中亦云種種生身我說爲量那箇不可思議不是意會得底物如水

裏有水即有影若無水時喚什麼作影法身
由對報化得名若無報化法身向那邊認法
身亦云是影經論極則頭只到法身實入理
地那箇早晚同於經論經論不管伊如何排
遣他且不到者裏大難大難師示衆云佛出
世來只爲衆生不會道若不因善知識聞名
無師自爾若因善知識聞忽引經論作證若
自作得主不引經論景省心力若引經論將
他眼作自己眼不得自由大道一如無師自
尔若能如如不變故不曾迷報化非真佛莫
認法身九聖果報皆是影若認著即屬無常
生滅也龕細而論纖毫不立窮理盡性一切

全無如世界未成時洞然空廓無佛名無衆
生名始有少分相應直向那邊會了却來者
裏行履不證凡聖果位據本而論實無少法
可得豈况三乘五性差別名數但是有因有
果盡屬無常生滅也並是出世安立假名相
說非閑本來事道不是明暗物一切莫認著
大道冥通智莫能測故云相逢不相識共語
不知名好去無事珍重師示衆云自夏已
來不安皆是罪過死者已死在者好自安排
如今學人直湏會取佛法去出世時都無名
字審意潛通無人覺知喚作道人佛出世權
說三乘五性他不是三乘五性人從那邊行

履他是自由人會取今有本有不從佛聞與他爲緣如今直湏截斷兩頭句透那邊不被九聖拘繫心如枯木始有少許相應引經說義皆是與他分疎向他屋裏作活計終無自由分恰如水世得蝦爲眼如何得自由佛是受累報人如今學人極則只認得箇法身猶如水月空花影象不中兄弟直湏會取不從佛聞無師自爾報化非真佛根本一如無變異故法過眼耳鼻舌身意心以無心意而現行如今知解不是嘆囉漢此物不是凡聖不是愚智強喚作愚智本不是名字不得道著道著則頭角生喚作如如早是變也兄弟直

十二

湏向異類中行始得大難大難 師示衆云佛出世來只教會道不爲別事祖祖相傳直至江西老宿亦只教人會者箇道佛法先到此土五百年達磨西來此土恐爾滿着三乘五性名相所以說法度沒諸人迷情且五祖下五百人只虛行一人不會佛法不識文字他家只會道如今學人直湏明其道不論別智決定不是物大道無形真理無對等空不動非生死流三界不攝非去來今所以明暗實不自去來虛空不動搖萬象自去來明暗實不鑑如今有人持鑑覺知解者是道皆前境所引隨他生死流何曾得自由若作此見解實

未有自由分所以智不是道可不難矣云是什麼智是什麼道若論世間福智只得喚作莊嚴具亦云福智二嚴亦云受用具皆是對治喚作什麼佛出世只得喚作三界智人未出世時喚作什麼物若論無滲本自具足妙用自通無人覺知潛行密用蹤跡難尋所以天魔波旬勿一將諸眷屬久遠劫來覓菩薩帝釋子亦稱此句一念起處不可得天魔讚歎云佛法至妙我實難測如今但會如如之理直下修行何不問如何修行但會取無量劫來性不變異即是修行妙用而不住便是菩薩行達諸法空妙用自在色身三昧熾然行六波羅密空處處無

碑游於地獄猶如變觀不可道伊不得作用衆生無量劫來迷於本性不自了牴雲塵暫翳著諸惡欲雲駛月遲舟行岸移晝時歧路不得自在種種受苦不自覺知乃至今日會取從來性與今日不別若言卽心卽佛如兔馬有角若言非心非佛如牛羊無角所以如來藏實不覆藏五蘊本空獅子何曾在窟亦云性水亦云法水法水如波性水如濕水不洗水佛不度佛演若達多迷頭認影便道失却頭傍家覓縗覓得又不是已頭功德天黑暗女有智主人二俱不受直道性無住處是菜著物亦云聞聞是大涅槃道者箇物不是

聞不聞江西老宿只道不是心不是佛不是物直須牀會詣實修行莫道我是禪師知解傍家舌上取辦兩脚稍空莫將爲是共道不相應兄弟龐細想念分劑但是貪求皆屬境三乘五性龐細而論不出情量纖毫皆起精懸所附他且不許見聞覺知自似箇癡鈍人

少神人百事不知最好普賢其時道我將心聞文殊云初心不能入云何蘊圓通被一棒粉碎無事珍重示衆云燃燈佛道了也若心相所思出生諸法虛假皆不實何以故心上無有云何出生諸法猶如形影分別虛空如人取聲安置竈中亦如吹網欲令氣滿故

老宿云不是心不是佛不是物且教你兄弟行履據說十地菩薩住首楞嚴三昧得諸佛秘密法藏自然得一切禪定解脫神通妙用至一切世界普現色身或示成菩薩正覺轉大法輪入涅槃使無量入毛孔演一句經無量劫其義不盡教化無量億千衆生得無生

法忍尚喚作所知愚極微細所知愚與道全乖大難大難珍重

子湖山第一代神力禪師語錄 師示衆云諸法蕩蕩何絆何拘汝等於中自生難易心源一統繩亘十方上上根人自然明白不見南槩道如斯癡鈍世且還稀歷歷分明有無

不是只少箇丈夫之志致見如斯疲勞汝今
欲得易庶自古及今未曾有一箇凡夫聖人
出現汝前亦無有一箇善語惡語到汝分上
爲什麼故爲善善無形爲惡惡無相既以無
我把什麼爲善惡立那箇是凡聖汝信否還
保任否有什麼回避處恰似日中逃影相似
還逃得麼今之既爾古之亦然今古齊時汝
還諱得麼佛法玄妙了得者自相策發無小
爲緣妨於大事汝不見道寧可終身立法誰能
一旦亡緣仁者要徑會禪麼各歸衣鉢下著
僧問如何是一心三觀師云我尚不見有一
一心你喚什麼作三觀進云如何是三觀一

心法身還喫鉢也無師云鉢盂鑄子什麼人
受持進云未會請師慈誨師云未會幾許法
身身師示衆云華自可憐生苦死向人前討
些子聲色脣吻作麼我且問你聲色兩字作
麼生討得還會麼我道聲色如泡爲復爲你
說破爲當爲你討聲色試商量看莫生容易
初一

志剛用心若了根源終非他物譬如圓鏡男
來男現女來女彰乃至僧俗青黃山河萬物
隨其色相一鏡傳輝不可是鏡大有多般但能
映物而露仁者還識得鏡未若不識鏡盡被
男女青黃山河類等礙汝光明有什麼出氣
處若識鏡去乃至青黃男女大地山河有想

無想四是多是胎卵情生天堂地獄成於一鏡中悉得其分割長短劫數若色若空並能了之更非他物汝豈不聞諸法如義先陰箭遠莫謾悠悠大事曰緣決須了取僧問如何是大圓鏡師云一切物著不得進云爲什麼一切物著不得師云汝是一切物還著得汝否僧問如何是南泉不變句師云道什麼進云如何領會師云道什麼僧問一座之內大千世界如何是一塵師云即汝是進云如何是大千師云但識取一塵師復云說得千般美食不如一頓鹿食能竒能異省徑省心還假如是疲勞馳求趨逸也無本自非有誰

強言無與麼道可謂虛空之心合虛空之理只少箇承受底漢子變弄接續得去能有利人之分也根劣之徒自益未圓焉能益彼著些子骨氣秉些子丈夫作麼生門風如何圖度須作難遭之想可懷負荷之心歷歷明明有什麼一錢事到汝意恨下與汝爲於彼此生滅仁者如世良醫隨方與藥先識彼病然後施方法法如斯心心若此須要作箇無繩自縛漢作麼莫立去師示衆云子湖一隻狗上取人頭中取人心下取人足僧便問如何是子湖一隻狗師乃吠三聲進云如何領覽師云縱饒領覽也只箇吠聲僧問如何是祖

師西來意師云你道祖師西來有意麼進云既無意用西來作麼師乃云祖師西來也只箇冬寒夏熱夜暗日明只爲你徒無意立意無事生事無内外強作内外無東西謾說東西所以奢摩不能明了以至根境不能自由僧問如何得不被諸境惑去力一師云你試點惑你境出看進云某甲不見大師云你既不見惑境何來僧禮拜師云又見妄想去也師云心源朗朗無物莫疑直下承當不勞功用只少箇信之一字然實不易信莫非夙習之徒聞着便能承受若是蠻學之輩將三寸脣舌惑亂於人后進初機把他古聖言談向意

根下測度直至頭白齒黃並無纖毫得力處仁者湏打疊及時莫待臨終揮權佛法因緣浩浩快湏徹了無疑可中向這箇皮袋子內辨得者箇去坐却天下人咽喉性命盡被汝蓋覆乾坤盡被汝自由自在皎皎明白何勞汝上来下去仁者本性具足本自周備直教無纖塵法礙你眼光始得若有微塵底不盡不是一生半刼纏汝皮囊汝性命根境法中造諸妖恠山精鬼魅附汝行持得少爲是鼓弄片皮於佛法却爲毒害識禮塔廟毀彼持經師子身中虫自食師子身中肉仁者恰莫向心田中認此子妄想將爲極則他上祖是

什麼榜樣下去莫立問未了根源請師提獎
師云還會麼僧云未會師云更問千則才則
也無益僧問機不曉如何得心地無疑去師
云心地有多少疑僧云如何是心地師云多
少分明勿 師示衆云據仁者分上何得一生
一滅一斷一常與汝爲於拘繫作其取舍是
十七非及諸顛倒汝還知道諸聖門風無結縛麼
只欲仁者承當還承當得麼可惜光陰莫令
孤負却仁者豈不見目前太虛還有纖毫欠
少處麼若也於中體得者箇消息不妨出得
凡聖境界了得世間出世間之智一法既爾
方法亦然仁者還樂也無 僧問如何是佛

茅茨石室長養聖胎只待道果成熟汝今何
不効他行取仁者可誡分明並無參雜治生
產業與諸實相不相違背勿 僧問如何是千
聖不傳底事師云阿誰向你說進云與麼則
信受奉行去也師云信得及者即行之信不
及恰莫強爲不是口頭說信便信得去如人

說食終不得飽縱然口頭說飽爭奈肚內飢
何仁者直須飽去莫設悠悠僧問如何是古聖心師云汝是凡夫心僧云如何是信得
師云信亦不由汝不信亦不由汝僧云信不得
信且置作麼生師云是你心師云仁者還
知子湖親切相爲麼行時但行坐時但坐乃至
至喫茶喫飯種種施爲有甚麼相隱處仁者
信取無別強爲只是如今無疑作疑無事生
事於自心源却生顛倒譬如百千澄清大海
葉之爲認些子浮沤目爲全潮亦認些子螢
光作於日焰還生慙恥麼諸聖得道得果教
如恒沙汝今却作箇凡劣凡夫著恰莫因循

僧問如何是無礙底心師云恰是勿一千聖同風便當得本參事好且問仁者什麼
處是千聖同你處行時坐時起時卧時試說
看還有法處處仁者大道無邊誰前誰後真空絕際是正是邪乃至眩目青黃作何形段
到汝分上喚作百工居肆各逐營生多少分
明何煩造作勿一十八一切普偏無法不動了了現前還諱得麼道邵問如何是人人具足底事
師云汝豈不是道邵勝光因在子湖鑊地次
勝光鑊斷一條蚯蚓問云某甲今日鑊斷一條蚯蚓兩頭俱動未審性命在那頭師提起鑊頭向蚯蚓左頭打一下右頭打一下中心

空處打一下擲却鑊頭便歸。子湖又鑊地次亞鑊頭回視勝光云事即不無疑心即差勝光便問如何是事被師攔胷踏倒從此省悟。師別時有頌從來事非物方便名爲佛中下競是非上流始知屈。臨行示頌三首我聞過去佛縱橫盡丈夫示汝真歸處。

千江月影孤 觀音與文殊示我常乘動吾今已歸真觸處皆無用。佛性本來無阻障衆生不識難歸向若見如來成佛時莫向世間求取相。僧問招慶云勝光被子湖一踏意作麼生招慶云古人參玄不消一踏於門前下滂云子湖一隻狗上取人頭中取

人心下眾人足往來好看臨濟下有二僧聞得遂遠來尋訪纔到果見其榜遂入門以手揭簾欵起未起被師喝云看脚下大僧近前禮拜便問承師有言子湖有一隻狗上眾人頭中取人心下眾人足如何是子湖狗師云嗚嗚僧無語師便歸方丈後章州羅漢展和尚聞舉云者箇是喫屎狗僧便問如何是子湖狗展云孽蝶却僧擬議展云早被人咬教了也明招和尚在羅山開舉逐云泊斂數綯草鞋我本欲遊章南如今不用去也休休僧便問如何是子湖狗招以手按膝放身近前云噓噓子湖山下有陶家爲無子夫妻每日

云不是某甲師云是即是只是你不肯承當

古尊宿語錄卷第十三



勿一

焚香發願來一男子師遂往其家乞竹先問
是汝夫妻每日起心發願擬作箇什事云切
緣家內無子額來一男師云我就沒乞一種
物還得否云和尚要甚物但乞指揮師云不
要別物欲乞一擔竹與汝一箇男子其家忻
喜云此是小事一任斫去師斫大竹近一千

竿陶公云和尚只討一擔何斫許多師云只
此一擔尚未足在遂將大竹長者捺數竿破
相接作一束將歸其家當夜感夢生得男子
因此遂号神力子湖禪師諱利蹤澧州周氏子一日於半夜時在後架叫云賊賊衆皆驚起有一僧被師拖住云捉得也捉得也僧